


平鄉縣志

地130.175
39
部120.124

卷二	卷一	卷首
地理上	星野	序圖
地理下	目錄	姓
	凡例	名
		姓
		名
		姓
		名



續修平鄉縣志舊序

治邑於殘破之區難矣志邑於遺闕之餘則尤難當搶攘未定之秋慮有流離則保聚宜亟防有伏莽則稽察宜嚴其事固較處常爲佞劇而要之成法可師舊章可做其有不必拘泥者又可因時審地而以吾意爲之是循職者猶能自勉未足爲難也若見聞莫及之事問掌籍於史胥半成蠹簡訪遺踪於父老多有異詞又况偏隅之措設不盡登於卷冊也一節之可風不盡顯於衆口也此而欲廣搜勤訪追述無遺卽有博聞強記之士猶憂憂難之况在夫

平鄉縣志

序

嘗學道之俗吏耶余於同治二年夏叨令平邑甫下車在觀風問俗之意索邑乘讀之慨其曠廢不修者百有餘年矣其時邑經失守東寇未靖方汲汲於繕城垣清保甲舉團練以爲保障計無暇究心文獻也越三年境內安歲比稔邑之孝廉李君乾運與二三同人進而以修志請余自顧庸鄙因以任之難勝辭而李君等則懼夫日久而事益湮沒謂此舉爲不容緩余乃諾之卽於六年春設局採著爰集邑之紳耆分寄以搜舉先語於衆曰邑志者邑之史也昔韓昌黎論作史之難凜凜於天刑人禍蓋以失實爲

懼也今邑志雖祇記善不同史之兼記善惡而或任濫得
美名詎非誣乎所冀諸君子一秉至公善有可稱毋略微
賤而遺蹟遠善無可述毋諛富顯而私姻親庶幾免於鬼
責人非而亦無內疚矣衆聞而共然之凡所爲採錄者罔
不兢兢然以求其實不數月而草創粗就適有鹽梟搶匪
之踵擾停閣者逾年今秋臣寇蕩平乘輶襄集始蕙厥事
斯役也體式沿舊製前事遵原文而品評稱述一聽諸眾
論其編次則多出同事諸人之手是余祇受成而已亦何
難之有耶雖然剛訂錯訛時參已見詳定義例自出主裁
平鄉縣志

序


而一善之紀一事之書亦必再三詢考知有可據始錄於
篇區區之意竊有自見爲其難其慎者蓋闕其所不知而
紀其所可紀亦聊以備文獻之徵已耳或曰志之所載詳
風土明制度表賢孝顯循良亦卽蒞斯邑者之治譜也余
於此則有憬然思而愾然愧矣旣授梓爰敘事之始末於
簡端

同治七年歲次戊辰仲冬月望日



欽加運同銜知平鄉縣事加五級

靈川禾邨氏蘇性撰

城池圖



縣署圖





平鄉縣志

卷

三


學宮圖



平鄉縣志

卷

四



閭縣全圖



至鉅鹿
界四十五
里至鉅
鹿縣六
十里

入廣宗界

至廣宗縣五十里
至廣宗界四十五里

滄

重修平鄉縣志舊序

郡邑之有志由來尙矣周官小史掌邦國之志春秋傳所稱周志鄭書是也外史掌四方之志則晉乘楚檮杌魯春秋是也今天下各省之志爲四方之志而畿輔之志則邦國之志也古者天子省方率五年一舉春日岱秋日華夏日衡山冬日恒岳其畿內則歲與吏民再相見也厥後巡狩時闕廼命太史採風以詔於王王於是乎審風俗出政教十五國之詩具在而首曰二南其軒輊固有在也且志者志天之文志地之理志人事之成敗志世數之沿革下平鄉縣志

卷一

舊序

一

及一民一物一草一木昆蟲鳥獸魚鱉纖悉必志是上以備一人問俗之典而下以佐百執事之述職其有裨於省方采風之遺意詎不重歎我國家統一區宇六合同風幅幘之廣亘古所未有

列聖相承重熙累洽典謨訓誥制度文爲視前代特爲精密康熙雍正間

屢詔天下修志郡邑統於省省復爲通志上之史館以爲大一統之採擇以垂億萬年之成規

聖天子高居九重將欲體國經野修政立教明其剛柔燥濕之

宜悉其通塞險易之勢可按籍而考也然則

國史者列國之志之統會郡邑之志未始非

國史胚胎也維茲平鄉以九域視之僅彈丸黑子而已而地

屬衛境宿列昂分近復隸

邦畿千里之內其風淳其俗樸地可耕而人多率教喁喁然

皆嚮風慕義亦三輔之一良邑也其可志者足供摭摭願

自康熙十九年前令卞公重修迄今已七十餘年矣其間

廢興沿革仕蹟人材蓋闕如也不及早續輯將愈久而愈

難搜羅其不致淹沒而弗彰者鮮矣而僕曩在關中三蒞

平鄉縣志

卷一

舊序

二

巖邑兩攝方州待罪十有餘載修志之役亦數經矣繼以
憂去乾隆十二年冬來令茲土甫下車亟欲纂著因辦理
軍需馳驅八閱月嗣復連委大差今歲之春

駕幸

江浙又奉

檄承辦差務幾無晷刻暇抵署後爰進邑之

紳士而謂之曰修志及塵予懷今獲少休盍亟襄之僉曰

唯又商之學博士鄭君君固廣川知名之士而好事文翰

者亦領之以助予之不逮僕亦拊摺簿書廣搜博訪斯夕

參訂不濫不遺未三月之久而其志成易舊志編年紀事

之體爲綱八爲目五寸有二哀然成帙以授之梓非敢好

異其體式然也私心竊自幸而乃猶有慮焉

國史爲

朝廷之書其於褒貶予奪賢奸忠佞大書特書釐然其不爽
邑志出有司之手善善長而惡惡短多獎藉而闕黜陟使
觀之者無炯戒之心而生冀倖之念亦奚可乎雖然前事
者後事之師也往古者近今之鑑也俾官斯土者覽志中
名宦若而人曰必若此而後爲良有司也而心忤忤然動
矣庶斯土者讀志中列傳若而人曰必若此而後稱名臣
高士也而心必油然而興矣他如風俗如何而稱爲醇美

平鄉縣志

卷一

舊序

三

文藝如何而推爲高潔必有欣以羨者亦必有退然而色
沮者則斯志也寓懲創於褒美之中假予奪於取裁之外
使覽者有所觀感而興起焉未必非世道人心之一助也
是爲序

乾隆十六年歲次辛未七月既望知平鄉縣事括蒼楊喬

撰

重修平鄉縣志舊序

五雲遺蹟村傳有修縣志之役嗚余為之詞而紀其
志成必曰為效而予亦得附數言於簡末藉謂邑之有
志也其所以資於官內史掌邦國之志外史掌四方之志
下至國有族譜正亦歲月有書焉此縣志所由來也
蓋有志而獨平鄉之志有不可以概論者平邑民淳
俗尚存上古遺風惜予老成凋謝文獻缺如片紙貴於璠
璣一節重於千鈞取人為善雖小必錄非悉心搜羅則
汝無聞矣茲役也事取其備而義取其嚴總期無失乎
平

平鄉縣志

卷一

舊序

四

世厚純之意焉科第仕宦前代以來雲蒸霞蔚至

國朝則幾於景星慶雲忠孝節義自誓志康熙十九年以

民滅者幾七十餘載鼎舉災祥繼於上沙洛漳盜變於下

城署增修橋閘與廢考其源委紀其時日其亦有慨然於

乘天因地創制垂範之意者乎

先聖之追贈加隆 關帝之祭奠彌尊其他諸道並祠秩祀

攸關辦丁省徭物善風厚若是者皆宜考實以信以傳

世至職官立政或樹千秋坊表或被雅化一時獲言

亦當圖其不朽豈可不急思論定以紀風烈之實乎

志編年規模非不宏遠但事跡多畧且散漫無所統繫茲則一變舊例體遵記傳爲綱八爲目五十有二事無未備之紀義無假託之端非敢輕變前人亦期與人爲善感發其一念之性真云爾雖然地無大小因人而變風氣欲開則人文起而應之自然之理也我

國家培養士類久道化成良有可與賢舉能菁莪樂育而一時沐其教者果能砥行立節以自見於

聖明之世平雖小邑將蒸蒸然有起色矣此志之僉將以倣周官遺意而闡胥族師黨正之書由此升於史館以揚作

平鄉縣志

卷一

舊序

五

人之烈也余與楊侯共拭目以望之

乾隆十六年歲辛未七月既望平鄉縣教諭棘津鄭廣統撰

重修平鄉縣志舊序

古今之述可陳牘而知也天下之大可按籍而見也誰爲
之曰有志也志者何曰即史也古者列國各有史秦漢
而下郡邑例得爲志以志時事然志事矣而不志年非史
也而且門類紛錯載記淆雜是兔園冊耳非史也余見而
心竊疑之顧生茲三戶鄉遠織寡昧弗敢輕議一日友人
劉子鼎以灤州志見示其書編自養吾陳公編年而繫以
事條貫歸一易於省覽至于事宜詳載不便瑣贅于年之
下如建置田賦之類者則別爲一卷而各年之下止書大

平鄉縣志

卷一

舊序

六

綱間有考究弗審仍須訂正者則繕附遺篇存疑爲辯說
于各卷之後其文直其事核其義嚴而正其言實而有微
蓋深得乎史之意而善變乎志之體者也余見而心竊
之以質諸邑侯趙公芙溪公曰志繁則猥瑣而不
整亦不欲簡簡則缺畧而難備若志之體裁獨創詳畧得
宜觀止矣可以爲師而廣文胡生邑人張君國
棟史君翼經張君明圖李子之寶志以志于昌黃子
師雲復力贊之侯曰唯唯遂于政事之暇節錄採訪
時事筆者筆削者削而定格摛藻一以灤志爲準若志

陽褒揚則集輿人之月旦木生民之懿好一切適莫不與焉凡三閱月而書成將以授梓余見而心益竊有感矣夫士君子一行作吏百憂感心萬事勞形僕僕得書期會之不暇而遑計藝能若邑侯以館閣鴻裁製錦彈邑四年以來修明締造口不勝碑復能於游刃餘閒究心文獻振舉九十年不傳之廢興以儒術潤飾吏治南陽潁川之最績不于此畧見一斑也哉則茲志非志也並非史也卽邑侯之循良傳也余于是嘉其事而喜爲之序

嘉慶十一年壬子小春邑人趙培基題

重修平鄉縣志舊序

平鄉縣志自明萬歷之癸未年爲江都周司訓所纂輯迄
今九十年矣崇禎戊寅燬其邑之三老子弟家間有缺文
甲申之難又燬於是斷簡殘帙悉盡矣乾隆八年予不佞
承乏茲邑自巴山來其時水潦初落覩茲鶉鷄噉粥之不
暇遑他及乎客歲備兵使者暨襄國太守自北來傳督憲
公命諭以去邑之繁費冗役予謹承嚴命今夏徂秋幸五
風十雨柴關啓鹿車入粟繁黍穰顧茲色喜長日餘閒乃
進請父老耆舊而謀之曰邑之有志猶國之有史也善惡
平鄉縣志

卷一

舊序

八

於是乎備勸戒於是乎存顧可缺畧而弗彰也耶邑在邢
州之東偏漳水環流太行在望每一登高峯巒廻疊南望
滹河肥水即破釜沉甌處也北仰

滹河則

不違顏魯公得東接堂陽西顧水井三臺念魏文貞宋
廣平之餘烈猶有存者至於俗尙然諾喜氣節雖平原大
陸之地氣使然然而吞炭屠狗之遺風依稀見之茲欲裁
抑其偏芒而一出於中正俾聞善而興見惡而戒則禮文
誨迪之力顧可緩乎今喜得殘稿於明經張君家且邑中

諸博雅君子或掛冠投閒或鵬飛暫息咸萃於此予不佞亦欲賦田園荒蕪之詞三者一失則難圖也而可緩乎第亟營之無需於民僉曰諾乃設局於桂月八日訖事於十月望日謹序

康熙歲次壬子嘉平月吉日西蜀彭門趙弼題

平鄉縣志

卷一

書序

九